

北京圖書館 編

北京圖書館藏珍本
年譜叢刊

第 161 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 161 冊



第一六冊目錄

程竹溪先生年譜	一
錢警齋公年譜	五九
八句自述百韵詩	七五
吳太夫人年譜	八七
質齋先生年譜	二八七
静叟自述	三五五
先考雨生府君年譜編略	四四五
文文忠公自訂年譜卷上	六一九

竹溪程公諱仁恩安徽休甯人早歲聰悟習舉業家貧少孤棄儒就賈設肆吳中因家焉持躬儉而性好施與有盈餘輒以分濟貧乏無所吝庚申髮逆竄陷蘇垣公避兵鄉居募資設局流民賴以全活無算雖流離顛沛中宣講鄉約頑民率多感化迨省垣克復一切善舉次第舉行大憲耳其名委之經理撫卹涓滴充公辛未直隸水災飢民載道公蒿目時艱引爲己任多方勸募航海籌賑台澎爵相知其實心任事畀以重任糜金十萬餘全活數萬人津之紳民稱爲程善人感其恩爲築竹溪精舍設祿位而公視之淡如也公在津五年往來鄉鎮籌捐籌賑積勞成疾丙

子冬沒於津沽旅次時年六十有三死之日紳民哭弔者以數千計合肥相國以公有德於津民臚舉其事列入省志并改竹溪精舍爲公祠嗚呼如公者亦足以不朽而無憾矣公一子早卒無嗣以義子汪維城子改名則汪爲孫并聞其遺命以蘆蓆掩骸骨不許動支公款銀嗚呼可謂始終不易其操矣余於公僅一面交與之談時事口若懸河滔滔不竭無非欲引人於善而後止豈直一鄉之善士云乎哉故撫拾公之顛末而樂爲之序

論曰記有之有功德於民則祀之後之過竹溪祠拜其廬墓涕泣而不忍去者不獨思其德抑亦聞風興起以繼公

之志爲志是則公之所厚望也公簞人子耳無顯要之可
据而所爲若此彼世之居高位擁厚資而膜視民困者視
程善人爲何如哉

吳縣陶文潞撰

救荒行奉贈

卓翁老先生卽希 晒正


不商不賈亦不官以善爲事老不倦迢迢吳燕數千程航
海載金救民困近畿大雨水患興經年積水猶未平文安
小邑患尤甚波浪徧墅難春耕縣官束手憂莫救 先生
一至民得生建局貸金買牛種境中從此無飢氓非官吏
非鄉里棄井拋田救民死匹夫欲飽天下民仁術仁心孰
能比恤災義士豈無人越境救荒自 君始噫安得海內
富人皆如 君徧生九州欲死民

愚弟竇廷拜草



程竹溪先生遺像

像贊



像贊

翳惟先生骨重神清不慕榮利不愛功名
歸乎儒教存以佛心可以媲美難解紛之
魯仲連可以儕爲譚最樂之漢東平

班弟西軒嚴元銘敬題

程竹溪先生年譜

長洲嚴寶枝
吳縣謝家樹同編

嘉慶十九年甲戌六月二十三日先生生

先生姓程氏

諱

仁恩字竹溪徽州府休甯縣隔田鄉人

曾祖餘仙公

諱

裕光曾祖母氏

陳

祖士采公

諱

光採祖

母氏許父齊水公

諱

濟川母氏潘

公四子長夢園次杏村次竹塘先生其季也

嘉慶二十一年丙子三歲

先生性鎮靜不好嬉戲得餅餌之屬輒與羣兒共之

嘉慶二十二年丁丑四歲

知識字日可數十見者日爲神器

嘉慶二十四年己卯六歲

受業於程君伯益之門讀書知孝養每留甘旨奉親且
謂人曰人不可不學孔孟咸驚異之

道光二年壬午九歲

畢四書

道光七年丁亥十四歲

畢五經遂受舉業寒暑無間

道光八年戊子十五歲

十二月濟川公卒先生哀毀如禮

道光九年己丑十六歲

時以濟川公卒家貧輟讀就典肄業見典中棄字輒留心敬惜同人遂爭效之

道光十二年壬辰十九歲

時初得俸金半以奉母半以置衣惠貧并市魚蝦放生
不私分毫於己

道光二十二年壬寅二十九歲

吳孺人歸先生時方失業家居甘旨之奉竭蹶經營里
黨無間言未幾就黃渡典業

道光二十六年丙午三十三歲

先生勤儉持躬得積數年薪資設肆吳門遂家焉

道光二十九年己酉三十六歲

時以肆友虧負甚多先生義不忍索肆遂停改就按經
廳幕得匡襄善政

咸豐二年壬子三十九歲

移就白茆司幕如在廳署時

咸豐三年癸丑四十歲

時髮逆陷金陵難民南下先生適董安徽會館事募資
設廠留養衣之食之無不周至因是感受暑熱頸患疽
瘡痛絕時恍若神授藥丸受而吞之未幾遂愈自是爲

善益力憫蘇省奢華成俗每於朔望赴寺觀宣講

聖諭廣訓并以頸上疽痕現身說法聞者感動

咸豐四年甲寅四十一歲

納側室吳氏

咸豐七年丁巳四十四歲

長子德章生

咸豐八年戊午四十五歲

設粥局於盤門楊家巷賑給貧民

咸豐九年己未四十六歲

增設粥局於南壕又設米局於南園貧民受惠益廣

咸豐十年庚申四十七歲

髮逆陷蘇城先生避兵浦莊衣飾被掠士民代縛數人
送局正法先生謂罪不及死悉乞免之復於大村宣講
鄉約默爲補救由是民皆知義劫掠無聞繼遷歇馬橋
見吳民流徙困苦募項君丙山顧君文笏出資設局黃
渡陳墓鎮歇馬橋洋湘涇陸家橋朱家角等處悉留養
之全活無算

咸豐十一年辛酉四十八歲

秋潘太孺人卒於原籍先生聞訃哭踊奔喪道阻旣終
七卽至斜塘金雞河洋澄河黃天蕩仙人蕩等處及青